

宗鏡錄卷第三十

茂十

宋慧日永明寺主智覺禪師延壽集

夫菩薩欲報佛恩皆須不惜身命護持如來正法云何唯述一心能報慈化答覺王最後慈勑唯令於念處修真首祖當初所傳只但指人心是佛若能信受是真報恩示他則不資前機自究則剋成大事如智者觀心論偈云大師將涅槃慈父有遺囑四念處修道當依本叉住我等非佛子不念此遺囑乘緩內無道戒緩墮三塗由不問觀心令他信漸薄

烏鵲不施食豈報白鷺恩非但田不良無平等種子法雨若不降法種必焦枯各無來世糧失三利致苦大法將欲頽哀哉見此事爲是因緣故須造觀心論平等真法界無行亦無到若能問觀心能行亦能到即是四念處能依木叉住乘急內有道戒急生人天此是真佛子不乘慈父囑天龍皆慶喜一切豈不忻能報白鷺恩普施烏鷺食既有好良田有平等種子法雨應時降法種皆生長各有未來資俱獲三利樂爲是因緣故須造觀心論

諸來求法者欲聞無上道不知問觀心聞慧終不發諸來求法者欲思無上道不知問觀心思慧終不生諸來求法者欲修無上道不知問觀心修慧終不成諸來求法者勤修四三昧不知問觀心困苦無所獲諸來求法者多聽待言語不知問觀心未得真實樂諸來求法者修三昧得定不知問觀心盲禪無所見諸來求法者欲懺悔衆罪不知問觀心罪終難得脫諸來求法者意欲離煩惱不知問觀心煩惱終不滅諸來求法者本欲利益他

不知問觀心退轉令他謗諸來求法者欲興顯佛法不知問觀心退還大汙損如此衆得失非偈可具傳有此諸得失無人覺悟者爲是因緣故須造觀心論末世修觀心得邪定發見辯才無窮盡自謂人間寶無智者鼻糞

戊十  
二

野狐氣衝眼舉尾共却行次第墮坑殞爲是因緣故須造觀心論守鼻隅安般及修不淨觀安般得四禪不免泥犁苦不淨謂無學覆鉢受女飯設得隨禪生墮長壽天難爲是因緣故須造觀心論依事法用心無慧發鬼定

顯異動物心事發壞佛法命終生鬼趣九十  
六眷屬像法決定明三師破佛法爲是因緣  
故須造觀心論內心不爲道邪誨念名利詐  
現坐禪相得名利眷屬事發壞他信毀損佛  
正道此是扇提羅死墮無間獄爲是因緣故  
須造觀心論說法得解脫聽法衆亦然不知  
問觀心如貧數他寶說者問觀心無說亦無  
示聽者問觀心無聞亦無得爲是因緣故須  
造觀心論戒爲制心馬雖持五部律不知問  
觀心心馬終不調律住持佛法解外不解內

淨名訶上首乃名真奉律爲是因緣故須造  
觀心論誦經得解脫非爲世財利若能問觀  
心破一微塵中出大千經卷受持讀誦者聞  
持無遺忘心開得解脫爲是因緣故須造觀  
心論勸化修供養興顯安行人密心爲自利  
倚託以資身壞他喜捨善駝驥以償人若能  
問觀心即如駝驥也爲是因緣故須造觀心  
論諸道各有法了不自尋研忽窺竊釋教動  
經十數年非但彼法拙亦有謀壞心此是迦  
毗梨仙聖豈聽說爲是因緣故須造觀心論

富貴而無道多增長憍逸若能問觀心得真法富貴雖高而不危雖滿而不溢不著世富責心常在道法爲是因緣故須造觀心論貧賤多奸詔窺窬造衆惡現被王法治死墮三惡道若能問觀心即安貧養道有道即真實無爲即富樂爲是因緣故須造觀心論四衆皆佛子無非是法親因孰善法諍遂結未來怨若能問觀心和合如水乳皆師子之子悉是栴檀林爲是因緣故須造觀心論年衰身帶疾眼闇耳漸聾心惛多忘漏年不如一年

死王金翅鳥不久呑命根一旦業繩斷氣絕豈能言爲是因緣故須造觀心論誓首十方佛深慈觀心者勸善諦觀察發正覺妙樂誓首十方法深悲觀心者善勸諦觀察得真免諸苦誓首十方僧大眾和合海若能善觀察歡喜心無量誓首龍樹師令速得開曉亦加捨三心今承三寶力起三十六問其間諸細問對事難可數若觀一念心能答此問者當知心眼開得入清涼池不能答此問柰何盲暝也少義尚不見那能行大道哀哉末法中

無復行道人設令有三數寧別此問也故生  
悲愍心歸命禮三寶作此問心論今觀者開  
朗願諸見聞者莫生疑謗心信受勤修習必  
獲大法利乃至偈問云問觀自生心云何四  
不說離戲論執諍心淨如虛空問觀自生心  
流十  
云何是魔行業煩惱所繫三界火宅燒問觀  
自生心云何是外道諸見煩惱業流轉於六  
道問觀自生心云何是三業拙度斷見思出  
三界火宅問觀自生心云何是巧度三乘不  
斷結得入二涅槃問觀自生心云何是別教

求大乘常果菩薩斷別惑問觀自生心云何  
圓教乘不破壞法界住三德涅槃問觀自生  
心云何爲涅槃修四種三昧得真無生忍問  
觀自生心云何巧成就二十五方便調心入  
正道問觀自生心云何知自心起十種境界  
成一心三智問觀自生心云何知十境各成  
十法乘遊四方快樂問觀自生心云  
法入初發心住及四十二位問觀自生心云  
何六度成能得諸三昧及諸陀羅尼問觀自  
生心云何得六通用四攝行化四辯無罣礙

問觀自生心云何得相好成真應二身對緣  
如鏡像問觀自生心云何具十力及四無所  
畏內外照用圓問觀自生心云何於觀心能  
得十八種不共世間法問觀自生心云何得  
八十大慈大悲三念處愍衆無異想問觀自生心  
云何巧方便成就諸衆生嚴淨一切刹問觀  
自生心云何於此心莊嚴菩提樹建清淨道  
場問觀自生心云何降魔怨能制諸外道令  
衆悉歸敬問觀自生心云何坐道場現四種  
成佛赴機無差殊問觀自生心云何轉四教

清淨妙法輪一切得甘露問觀自生心云何  
境四佛四種涅槃相究竟滅無餘問觀自生  
心云何知依正四土天器同而飯色有異問  
觀自生心云何於此心是一切根緣通達無  
礙問觀自生心云何知悉體無形無所說  
現形廣說法問觀自生心云何知漸頓秘密  
不定教一音說此四問觀自生心云何知四  
教各開出四門及一切法門問觀自生心云  
何於四教四門十六門作論通衆經問觀自  
生心云何住滅定普入十法界廣利諸衆生

問觀自生心云何知四土用教有增減普利  
一切衆問觀自生心云何知此心具一切佛  
法無一法出心間觀自生心云何知此心即  
平等法界佛不度衆生問觀自生心云何知  
此心法界如虛空畢竟無所念問觀自生心  
云何無文字一切言語斷寂然無言說今約  
觀一念自生心略起三十六問外觀心人及  
久相逐眷屬行四種三昧者彼觀心者若能  
一一通達當生心如佛想親近受行如四依  
也門徒眷屬若於此無滯是真同行是真法

王子孫紹三寶種使不斷絕若不能觀於一  
念自生心一一答此問者即是天魔外道眷  
屬爲彼之所驅馳方處三界牢獄未有出離  
之期若心不慚欲求挽出者必墮二乘三惡  
道坑自斷法身慧命誅滅菩提眷屬是破佛  
法國土大乘家哀哉哀哉知柰何也若觀自  
生心得失如此觀他生共生無因生心亦然  
成十  
也釋曰此觀心三十六問上等十方諸佛之  
慈心無恩不報下及法界群生之悲仰有感  
皆從乃至修行妙門度生儀軌教觀融攝理

事圓通徹果該因自他兼利十身偏應四土  
包含但觀自一心無不悉備如論偈云烏鵲  
不施食豈報白鷗恩非但田不良無平等種  
子法雨若不降法種必焦枯各無來世糧失  
三利致苦者釋云此偈明不修念處之觀即  
是無平等種子不依木叉而住即非良田何  
者夫觀大乘念處者觀生死五陰之身非枯  
非榮即大寂定涅槃經云色解脫涅槃乃至  
識解脫涅槃若修此念處觀即是觀一切六  
道衆生即是常樂我淨大涅槃具足佛之知

見如常不輕圓信成就經云施城中最下乞  
人與難勝如來等是則豈可分別是田非田  
可施不可施耶故念處觀即平等種子若不  
修則見生死涅槃有異凡聖有殊聖是敬田  
則崇拜而施凡是悲田則厭賤而不捨故言  
七  
無平等種子今取王爲喻者喻無平等種子  
也昔有王但借白鷗以喻聖人烏鵲以喻凡  
人王喻衆生不修念處不修念處平等種子  
之人也故簡恭敬兩田然內無平等種子圓  
觀之道外則不能弘宣化大乘豈能報佛恩

又破如來禁戒則無良田是故偈云法雨若不降法種則焦枯此兩句明四衆無戒慧之機聖則不應何者涅槃經云純陀自云我今身有良田無諸荒穢唯希如來甘露法雨兩我身田令生法芽而今四衆不依念處修道則無慧種不依木叉而住則無良田既無種則衆生無感聖之機豈能招聖法雨之應衆生佛性之芽何得不枯也乃至內無善機外無聖應法種之芽又枯是則失現在未來涅槃三利之樂乃更招三塗之苦又偈云能報

白鷄恩普施烏鵲食者釋云此偈明有平等種子復有良田能施烏鵲食能報白鷄恩何者然佛聖人能覺悟衆生不令爲三毒諸煩惱蛇毒所傷即是聖人於衆生有恩如白鷄覺悟於王不爲毒蛇所害經云依教修行名報佛恩而今行者依念處觀慧休木叉而住即是依教修行名報佛恩復能以己之行化導一切衆生即是普施一切烏鵲食能報白鷄之恩又偈云守鼻隅安般及修不淨觀安般得四禪不免泥犁苦不淨謂無學覆鉢受

女飯設得隨禪生墮長壽天難爲是因緣故  
須造觀心論者釋云此明事相修禪之倒也  
戊十  
鼻隅安般一句標修有漏四禪章門及修不  
淨觀一句標修無漏事禪章門守鼻隅者安  
心在鼻也安般者數息也以數息故能得四  
禪八定昔有比丘得四禪謂阿羅漢臨命誘  
佛墮於地獄也昔有比丘學不淨觀少時伏  
心欲想不起自謂聖人侈出聚落乞食見女  
送飯欲心即發情迷心醉覆鉢受於女飯然  
數息得禪設不起誘及不墮地獄而隨禪受

生墮長壽天難故知若於一心四念處修道  
不忘慈父囑真孝順之子孫但入宗鏡中無  
恩而不報是以心若正萬法皆正心若邪萬  
法亦邪若離自心外欲破他邪則立自立他  
見邪見正如卸甲入陣棄火焚舍欲破敵下  
種無有是處但能守護自心即是護持正法  
亦是普念十方一切如來自心護法既爾轉  
化他心亦然則正外無邪云何說破邪外無  
正云何說持如是通明真護正法乃至圓滿  
具足一切法門所以首楞嚴經偈云將此深

心奉塵刹是則名爲報佛恩大集經云眼識於色是名非法若能遠離是名護法故知善攝諸根不爲六塵所侵者可謂真護法矣法集經云菩薩不須守護諸法世尊若菩薩但能善護自心是菩薩善護自心故則能成就諸佛妙法乃至見自心如幻如是見諸法如幻而心非內非外二中間可得如是見一切法見即如心無於色相不可得示不可得見無於形礙不可執捉不照不住見一切諸法其相如是若能如是見者是菩薩則能得於

第十一  
平等之心以得平等心故如是菩薩不復更得於法以平等外無差別法了差別法即平等故若入此平等法門則知一切法皆悉性空不生愛著即是無非捨身命處耳亦是成道處亦是轉法輪處亦是度生處亦是入滅處亦是究竟報恩處亦是成滿大願處亦是萬行具足處何者如云萬物得地而生萬行得理而成者理即心也或行孝思或輸忠烈靡不由心者哉如則天朝益景休丁母憂哀毀迨至滅性有弟景緝在襁褓景休自乳之

乳爲之溢又畢構爲吏部尚書初丁繼母蕭氏憂盧氏二妹俱在襁褓構親乳之乃至成長斯則孝行之所感乳出於心非定男女之體也○問八萬四千法門門門解脫云何偏取一心門以爲真趣答此一心門是真性解脫古佛慈勑諸佛解脫只令於衆生心行中求不於餘處求何以故只謂衆生心是諸佛心諸佛解脫是衆生解脫隨緣轉變自號衆生緣性常空真佛不動如冰元是水結若欲求水應當就冰冰水雖殊濕性不壞時節有

異體性無虧如是信入名真解脫其餘法門非無進趣若比斯宗頓漸天隔但明佛慧唯接上機所以法華會上世尊親囑累諸大菩薩若說此經直入佛慧能廣開示真報佛恩其有不信受者當於餘深法中示教利喜即是演餘解脫法門今宗鏡中唯論不思議解脫如台教問何意不斷煩惱而入涅槃方是不思議解脫答須彌入芥小不障大大不即後十小故云不思議耳今有煩惱惑不障智慧涅槃智慧涅槃不礙煩惱結惑乃名不思議又

約思議解脫無色無心以明解脫無體也若不思議觀色心即是法性之色心具色心不生不滅而得解脫故知真善妙色妙心之體也又妙色湛然常安住又色解脫涅槃若無色者如死人那得解脫也乃至黃蜂作密如蜘蛛作網皆不可思議皆有心數法之解脫也是知直了此心無行不足以一心具足萬行無一行而非心故且如云布施者大菩薩行施等時能觀唯識知境是心即心外無法三輪體空是稱真施持戒者謂證唯心離念常

淨無明垢盡即成佛戒但佛心中具諸功德離過義邊則名爲戒忍辱者觀衆生唯識妄見知本心外無法可瞋精進者如來精進若據自行常觀唯識故攝論云如來常不出觀故寂靜禪定者大菩薩定謂觀唯識不見境故<sub>茂十</sub>時心無緣念則是真定智慧者大菩薩皆觀自心意言分別以爲境界從初發心乃至成佛皆作此觀豈止四等六度成佛化生乃至欲託質蓮臺永拋胎藏生極樂等諸佛國土遊戲神通者皆能了達自心無不化往又復

豈止一行一願凡有一切希求無不從意故  
如來不思議境界經云三世一切諸佛皆無  
所有唯依自心菩薩若能了知諸佛及一切  
法皆唯心量得隨順忍或入初地捨身速生  
妙喜世界或生極樂淨佛土中金剛般若論  
偈云智習唯識通如是取淨土起信論云初  
信大乘心人諸佛皆攝生淨土諸法無行經  
云若能教化三千大千世界中衆生令行十  
門大般若經云佛告善現當知甚深般若波

羅蜜多是諸善法所趣向門檻如大海是一  
切水趣向門楞伽經偈云一切諸度中佛心  
爲第一所以一切諸乘中斯乘爲究竟台教  
云諸佛解脫於衆生心行中求者若觀衆生  
心行入本性清淨智窮衆生心原者即顯諸  
佛解脫之果若見衆生心空即見佛國空即  
是心行中求得三種解脫衆生心性即真性  
解脫癡愛即實慧解脫諸不善行即是方便  
解脫是知此一心真性解脫能空煩惱繫縛  
九結十使等如一栴檀樹改四十由旬伊蘭

林悉香能令煩惱即菩提故又若斷惑懺罪  
比餘漸教如毘華千斤不如真金一兩故云  
若欲懺悔者端坐念實相則直了無生之心  
當處解脫金光明經疏云毗盧遮那徧一切  
處若行若住若明若暗皆得不離見佛世尊  
萃  
六根所對無非佛法者娑攬草無非藥者普  
能愈病釋摩男所執一切砂礫皆變爲寶阿  
那律空器悉滿甘露若能如是者所觀之罪  
非復是罪罪即實相所觀之福福即非福福  
即實相純是實相是名大懺悔也觀普賢菩

薩行法經云觀心無心從顛倒想起如此想  
心從妄想起如空中風無依止處知是法相  
不生不沒何者是罪何者是福我心自空罪  
福無主一切諸法皆亦如是無住無壞如是  
懺悔又夫有罪可露非真懺悔有善可見非  
真隨喜有法可趣非真迴向有事可求非真  
發願若入宗鏡諦了自心則無處無方一切  
清淨如甚深大廻向經云佛言有三種廻向  
何等爲三謂過去空當來空現在空無有廻  
向者亦無廻向法亦無廻向處菩薩摩訶薩

當作是廻向作是廻向時三處皆清淨以此  
清淨功德與一切衆生共廻向阿耨多羅三  
藐三菩提作是廻向者無有凡夫及凡夫法  
乃至亦無有佛及向佛者何以故法性無緣  
四十  
不生不滅無所住故法集經云菩薩摩訶薩  
十三  
於一切法不求究竟處何以故是菩薩於一  
切法無非究竟故是菩薩不求解脫一切諸  
法本性寂滅無非解脫是菩薩不樂一法亦  
不厭一法是菩薩於諸佛法非是自法亦非  
他法不取一法不捨一法法華經云爾時佛

告上行等菩薩大眾諸佛神力如是無量無  
邊不可思議若我以是神力於無量無邊百  
千萬億阿僧祇劫爲囑累故說此經功德猶  
不能盡以要言之如來一切所有之法如來  
一切自在神力如來一切祕要之藏如來一  
切甚深之事皆於此經宣示顯說故知三世  
覺王十六大士一切所有諸佛之法一切神  
通攝化之門一切宗旨祕要之藏一切甚深  
因果之事皆於此心無不圓足故云於無量  
無邊阿僧祇劫囑累此法讚歎此心無作之

功無比之德猶不能盡豈可率爾頃刻而措  
言乎此宗鏡錄是大智所行上根能受絕投  
巖癡狂之見捨草庵下劣之心非限量之懷  
輒可希冀持螺何以酌海折草焉能量天若  
遇大機又不可行於小徑須依宗鏡直示本  
心如經云無以穢食置於寶靄無以大海內  
於牛跡是知於此生信者甚爲希有何者信  
果佛則易如十方諸佛信因佛則難如現今  
衆生故起信鈔云信過去釋迦當來彌勒等  
是佛則爲易有今信衆生心中真如是凡聖

通依迷之則六趣無窮悟之則三寶不斷此  
爲希有如信皇后王胎則易信貧女聖孕則  
難是以染法淨法俱是心苗本地發生更無  
餘孕如無著菩薩大乘莊嚴經論偈云自界  
及二光癡共諸惑起如是諸分別二實應遠  
離釋曰自界謂自阿賴分種子二光謂能取  
光  
光所取光此等分別由共無明及諸餘惑故  
得生起如是諸分別二實應遠離二實謂所  
取實及能取實如是二實染淨應求遠離釋  
曰此亦攝末歸本義論云求唯識人云能取

及所取此二唯心光貪光及信光二光無二法釋曰求唯識人應知能取所取此之二種唯是心光如是貪等煩惱光及信等善法光如是二光亦無染淨二法何以故不離心光別有貪等信等染淨法故二光亦無相偈曰種種心光起如是種種相光體非體故不得彼法實釋曰種種心光即是種種事相或異時或同時起者謂貪光瞋光等同時起者謂信光進光等光體等者如是也染位心數淨位心數唯有光相而無光體是故世尊不說

彼爲真實之法是知萬法之體不出遮那心原萬善之門靡越普賢行海云何不出遮那心原如華嚴經頌云佛刹微塵數如是諸刹土能於一念中一一塵中現云何靡越普賢行海如阿僧祇品頌云於一微細毛端處有不可說諸普賢如一毛端一切爾如是乃至徧法界此遮那心即菩提心此普賢行即菩提行如華嚴經頌云欲見十方一切佛欲施無盡功德藏欲滅衆生諸苦惱宜應速發菩提心昔人云菩提心即萬行之本即此發心

便名爲行問若獨取一心解脫其餘非者則  
一不收一切法界義不圓乘此廣乘失其偏  
理答若圓修頓悟之機則舉一轍諸無復方  
便只爲不入者方便開三乃至八萬雖即開  
三本明一道所以金剛三昧經云如如之理  
具一切法善男子住如理者過三苦海入楞  
伽經偈云有無是二邊以爲心境界離諸境  
界法平等心寂靜賢劫定意經云若復棄捐  
一切所有在於所有而無所有是曰一心法  
句經云人壽百歲情欣放逸不如一日歸心

空寂傳大士頌云諸佛不許外求名達本真  
心即爲正故知萬法歸心則道全矣如庚桑  
子道全篇云魯公卑辭以問之庚桑子曰吾  
能聽視不用耳目非易耳目之所苦者過也  
公曰孰如是寡人增異矣其道若何寡人早  
願聞之庚桑子曰我體合於心心合於氣氣  
合於神神合於無其有介然之有唯然之音  
雖遠際八荒之表邇在眉睫之內來于我者  
吾必盡知之迺不知爲是我七竅手足之覺  
五藏六腑心慮之所知其自知而已矣何璨

注云心形泯合神氣冥符洞然至心與無同體然後心彌靜而智彌遠神愈默而照愈彰理極而自通不思而玄覽非夫至神至聖其孰能與於此哉斯乃靈真之要樞重玄之妙道者也是以內外指歸須冥符心體則洞照戊十  
十六

無遺矣遂能和光萬有體納十方夫言和者非有能所二法相順名和如古德云凡聖各合十方諸佛本妙覺心與佛如來同一慈力超越世出世間十方圓明獲二殊勝一者上合十方諸佛本妙覺心與佛如來同一慈力二者下合十方一切六道衆生與諸衆生同一悲仰斯乃能所跡消真俗冥合非從事行別不得名和心體離念不得衆生相法界即我我即法界名和首楞嚴經云觀世音菩薩白佛言世尊我從聞思修入三摩地初於聞

中入流亡所入既寂動靜二相了然不生如是漸增聞所聞盡盡聞不住覺所覺空空覺極圓空所空滅生滅既滅寂滅現前忽然超越世出世間十方圓明獲二殊勝一者上合十方諸佛本妙覺心與佛如來同一慈力二者下合十方一切六道衆生與諸衆生同一悲仰斯乃能所跡消真俗冥合非從事行別不得名和心體離念不得衆生相法界即我我即法界名和首楞嚴經云觀世音菩薩白佛言世尊我從聞思修入三摩地初於聞

體和則不共物諱如華手經云佛告舍利弗是故菩薩發菩提心應當觀察是心空相舍利弗何等是心云何空相舍利弗心名意識即是識陰意入意界心空相者心無心相亦無作者何以故若有作者則有彼作而此人受若心自作卷十  
十七則自作自受舍利弗是心相空無有作者無使作者若無作者則無作相若人戲論是心相者則與無礙空無相諍若與無礙空無相諍是人則與如來共諍若與如來共諍當知是人則墮深坑是知若入宗鏡

海中已攝餘一切法門如登法性山悉見諸無邊境界如大涅槃經云譬如人在大海浴當知是人已用諸河泉池之水菩薩摩訶薩亦復如是修習如是金剛三昧當知已爲修習其餘一切三昧又云譬如高山有人登之遠望諸方皆悉明了金剛定山亦復如是菩薩登之遠望諸法無不明了故知自心無能過者所以教中亦名甚深法亦名最上乘是以一法指南萬途歸順但有名字差別終無異體別陳如有頌云諸色心現時如金銀

樞切也門

隱起金處異名生與金無前後且如金銀隱  
起功德之形恒有異名金體不動例似一心  
現出凡聖之道雖立別號心性無生達此名  
空見法如鏡自然息意冥合真宗矣

宗鏡錄卷第三十

三十一

十八

音釋

殞	于敏切	覩	窺去覩切	窬	羊朱切	惄	苦惄
及	也	窬	窺窬私視也	惄	惄	惄	惄
也	挽無達切	卸	司夜切	禪	詩遮切	火	火
勿	楨	楨	楨居雨切負兒衣也	禪	禪田也	禪	禪
徒	協	褓	褓抱切小兒被也	虧	去爲切	火	火
协	冀	褓	褓抱切小兒被也	虧	缺也	禪	禪
凡	利	睫	即葉切	虧	去爲切	禪	禪
望	也	穿	毛也	虧	非雨切	禪	禪
切	璇	璇	璇蒼葉	虧	禪	禪	禪
樞	朱昌切						